



始作網罟以佃以漁以贍民用故曰伏羲氏

始教民藝五谷故曰神農

有土德之瑞故稱黃帝生于軒轅之位

又名軒轅帝先為唐侯謚法曰堯故稱唐堯

虞國名謚法曰舜故稱虞舜

新刻校正增釋合併麻衣先生人相編卷之十

古今識鑿第一

三皇

宓犧姓風氏代燧人氏蛇身人首

神農姓姜氏人身牛首繼風姓而立

黃帝姓公孫氏又姬姓名軒轅母見大雷繞北斗樞星感而

遂生

唐堯姓伊祁氏或曰名放勳眉八彩就之如日望之如雲

八彩入髮而乘彩色

虞舜姓姚氏或曰名重華重瞳方額神清氣和內聖靈白之

誠外有恬淡之相德施群后形貌奇異所以為萬世規模



陶音遙

顛音殿

琴音藍合也

○重瞳兩睛相朝。

皐陶鳥喙。色如削瓜。歷相陶唐。為士師。琴音惠鳥之喙也。其形長若鳥喙。

后瓊夫人有仍國之女。顛黑而其美髮膚之光可以照人名。

曰玄妻以其髮黑也。瓊娶之生伯封。寔有豕心。貪婪無厭。忿類無期。謂之封豕。后羿滅之。瓊是以不祀。

夏禹。姓似氏。或曰名文命。耳三漏。身長九尺九寸。

商湯。姓子氏。諱履。身長九尺。長頭而鬚鬚。臂二肘。若肉印之狀。○內印方而有印。

伊尹。面無須。糜為湯右相。

傅說。身如植。鰭相商。高宗中興。

周文王。姓姬氏。諱昌。身長九尺。虎眉四乳。眉若虎眉。胸中四乳。

說音悅

相音尸

閔音弘

駢音并言脇。肖合比如一。

呂望。芝眉。晚遇周文王。佐武王定天下。為成王太保。封齊侯。周公。姓姬。名旦。文王第四子。其體如龜。身如斷菹。佐武王定天下。相成王。制禮作樂。卒。謚文。封魯侯。

閔天。面無見膚。周治臣十人之一也。

唐叔虞。武王少子。生而有手文。曰虞。遂以為名。成王封於唐。

晉文公。姓姬。名重耳。駢脇。初為公子。亡於曹。曹共公欲見其駢脇。不敢語。文公浴。曹君薄而觀之。果然後紹晉。霸諸侯。

周靈王。姓姬。諱泄。心。生而有髭。先是定王六年。秦有妖言曰。

周其有髭。王果然。

離婁。目明百步之外。遠察秋毫之末。

吳王夫差。與晉會於黃池。越人乘虛入吳。殺其太子。夫差

夫音扶

使去声  
強上声

聞之惧殺其報使強與之會。晉司馬寅曰：肉食者無墨色。今吳王有墨色，國敗乎？抑太子死乎？

難去声

越王勾踐蜂目重瞳。范蠡曰：長頸鳥喙，鷹視狼步，可與其患。難不可共逸樂，遂亡去。後大夫種輩皆賜死，果如其言。

楚穆王名商，臣父成王。初卜太子於鬪子上，對曰：商臣雖長

蜂目豺聲，忍人也，不可立。成王弗聽，立之。後果弑，父自立。

魯公子季友桓公庶子，生而有手。文曰：友，遂命以名。子孫為

季孫氏，位魯上卿，世專國政。

老子姓李，名耳，字伯陽，身如槁木，耳大於掌，鼻雙柱，唇麗厚。

足下龜文，壽三百餘歲，為周柱下史。

列國

孔子

孔子名丘，字仲尼，生有異質，凡四十九表。反首注面，月角日

準，河日海口，斗唇昌頰，均頤輔，喉駢齒龍形，龜脊虎掌，駢

脇參膺，圩頂山臍，林背翼臂，注頭草腴，堤日地足，谷竅雷

聲，澤腹面如象，俱手垂過膝，眉一十二彩，目六十四理，立

如鳳峙，坐如龍蹲，手握天文，足履度字，望之如仆，就之如

升，脩上趨下，末僂後耳，視若營四海，耳垂珠庭，胸有文曰

制作定世符，身長九尺六寸，腰大十圍。

顏回字子淵，山庭日角，貌美而癯，性聰明，二十九而髮白，三

十二而卒，為孔門高弟，以德行稱。

曾參字子輿，珠衡犀角，孔門高弟，守道不仕。

仲由字子路，剛毅好勇，孔門弟子，夫子言其行行如也，由也

行行音杭去  
声

不得其死。然果死。孔悝之難。戰開

難而死

高柴。字子羔。貌甚惡。孔門弟子。篤孝有法。為衛大夫。

端木賜。字子貢。有珠庭日角之相。孔門弟子。歷聘列國。

澹臺滅明。字子羽。狀貌甚陋。孔門弟子。初以為才薄。既而受

業。名動諸侯。孔子曰。以貌取人。失之子羽。家語稱其有君

子之姿。

商瞿。字子木。孔門弟子。有若曰。商瞿年長無子。孔子曰。勿憂

年四十後當有五丈夫。已而果然。

公父文伯。名穀。魯大夫。公孫敖之子。周內史叔服至魯。敖問

其善相人。見其二子。穀難。叔服曰。穀也。豐下。必食子。有後

於魯。難也。收子。後果然。豐下謂面方收子謂必至其父

宣姜齊人之

宣姜。衛宣公夫人。鬢髮如雲。目視清明。眉上廣。額角豐。其色

白皙。

莊姜。衛莊公夫人。齊女也。手如柔荑。膚如凝脂。領如蝤蛴。齒

如瓠犀。螭首蛾眉。巧笑倩兮。美目盼兮。惜乎美而無子。

齊採桑女。曰頭深目。項有大瘤。為閔王后。

仲子。魯惠公夫人。宋武公之女。生有手文。曰為魯夫人。惠公

納之。生桓公。

宋平公夫人。芮司徒之女。生而赤色。體生毛。畏其異相。而棄

之隄下。平公嫡夫人。共姬之妾。見而取之。入公宮。名之曰

棄。長而美。後平公嬖之。生子佐。是為元公。

鍾離女。名春。無塩邑人。齊宣王之后。為人極醜。曰頭深目。大

丙音唇

節印鼻結喉肥項少髮折腰出胸皮膚若漆四十無所容  
嫁不售短褐請宣王願備後宮王納為后

楚登徒子之妻蓬頭攣耳缺唇歷齒旁行踽儻又疥而痔宋  
玉曰登徒子娶之生五子

伍員字子胥身長一丈眉間一尺腰十圍吳市吏善相者識  
之為吳行人伐楚復讐

干將子赤鼻眉廣三寸  
專諸伍子胥相之曰確穎深目虎肩熊背真勇士也

白喜此離曰吾觀喜之為人鷹視虎步專功擅殺不可親  
公孫呂衛大夫身長七尺面長三尺廣二尺名動天下

趙襄子名無卹幼時姑布子卿相之曰有將軍也父簡子曰

雅音戴

此子母賤何足貴哉子卿曰天之所受雖賤必貴

楚令尹子越名栳司馬子良之子栳初生子良之兄令尹子

文曰此子能虎之狀而豺狼之聲弗殺必滅若敖氏之宗

子良不可子文將死聚其族曰栳也知政乃速行他國無

及於難且泣曰若敖氏之鬼餒矣後子越為令尹以兵攻

莊王王滅其族獨子文存其宗祀

叔魚生其母視之曰是子虎目豕喙鵝肩牛腹溪壑可盈是

不可饜

白起小頭面銳瞳子黑白分明視瞻不轉平原君曰小頭而

面銳敢決斷也瞳子黑白分明見事明也視瞻不轉者執

志強也起長於用兵但性凶殘為秦昭王將坑趙降卒四

喙嘴也

強上声

十餘萬。

謂音葛

蔡澤唐舉相之曰君竭鼻巨肩。魁顏蹙顴膝。拳鼻仰而頰富。貴之相也。澤曰富貴吾自有所不知者壽耳。舉曰自今以往。四十二年。澤曰吾躍馬食肉。四十二年足矣。後為秦昭王相。號綱成君。

鬼谷子。姓王名詡。露齒結喉。人物奇恠。隱青溪鬼谷。號曰鬼谷子。

擅音善

宋玉體貌閑麗。文章擅名列國。師屈原。為楚大夫。

燕音烟

荆軻勇士也。慕燕丹之義。白虹貫日。太子丹自相氣。見白虹貫日。不澈曰事不成矣。軻死曰吾知其然也。白虹貫日。謂眼睛有白光。

古今識鑒第二

秦漢

始稱皇帝故曰始皇

秦始皇姓嬴氏。諱政。尉繚子曰。秦皇蜂準長目。鷲鳥膺豺聲。少息而虎狼心。居約易出人下。得志亦輕食人。

項羽身長八尺。重瞳長頸。鳥喙。手有雁陣文。秦末起兵江東。

自號西楚霸王。所過屠戮。後垓下兵敗自刎。重瞳兩睛相背

呂公者呂太石之父也

漢高祖姓劉氏。諱邦。字季。隆準龍顏。左股七十二黑子。微時呂公謂曰。相人多矣。未有如季相也。

張良字子房。貌似婦人。然狀貌魁梧。奇偉。手紋如琴。佐漢封留侯。謚文成。

韓信身長八尺九寸。蒯通曰。相君之面。不過封侯。相君之背。

貴不可言。佐漢定天下。求封齊王。改楚王。降淮陰侯。

陳平貌潔如冠玉。瑩美之姿。手紋有兵符。少貧。張負備之曰。豈有美如陳平。長貧者乎。遂妻以女。後佐漢為丞相。封戶

牖侯

張蒼身八尺餘長。大肥白如瓠。背膊如龜行。亦似龜。漢初坐

法當斬。王陵竒而釋之。以文學律曆為漢名相。壽百餘歲。

封北平侯

黥布姓英氏。少時客相之曰。當刑而王。及壯坐法。布欣然笑

曰。人相我當刑而王。幾是乎。主者壯而釋之。後歸漢。封淮

南王

酈食其身長八尺。以遊說音佐漢封廣野君。後齊王廣烹之。

食其音異基

少去声

陳夫人蕭氏。漢丞相平之妻。手有主身紋。帶金花印。

趙堯少為吏。趙人房豫公謂御史大夫周昌曰。君之史趙堯

年雖少。然竒士。君必異之。是且代君之位。昌笑曰。刀筆吏

爾。何至是乎。頃之高祖以周昌為趙王相。果拜堯御史大夫。

周亞夫絳侯勃之子。初為河內太守。許負相之曰。君後三歲

而侯。侯八歲而為將相。九年後餓死。亞夫笑曰。臣之兄已

代父侯。卒當我代。何說侯乎。然既已貴。又何說餓死。指視

我負。指其口曰。綬理入口。此餓死訣也。後皆如其言。

鄧通許負相之曰。滕蛇入口。當貧餓死。文帝曰。能富通者在

我也。乃賜銅山。得自鑄錢。官上大夫。景帝即位。盡沒入其

財。不得一錢。竟寄死人家。



東方朔字曼倩身長九尺三寸目如懸珠齒如編貝以文章善滑稽諷諫官太中大夫

霍光字子孟身長七尺二寸白晳踈眉目美髭髯受武帝顧命擁昭立宣封博陸侯

金日磾字翁叔身長八尺二寸容貌甚嚴休屠王之子武帝拔於牧圉與霍光同受顧命封秬侯謚曰敬子孫七世為侍中

衛青字仲卿少賤為牧羊奴嘗從人至其泉居室有鉗徒相之曰青貴人也官至封侯青曰為人奴得無笞罵足矣何望封侯後以功封長平侯

李廣猿臂長肘嘗謂王朔曰諸校以軍功取封侯者數十人

豈吾相不當封侯耶為右北平太守以失利自刎

翟方進字子威素微賤年十五為小吏遲鈍受辱祭父相之大奇其形貌有封侯之骨當以經術進因病而歸肆力苦學至丞相封陵侯

田千秋身長八尺餘體貌甚麗訟戾太子寃片言悟主漢武帝朝拜相封富民侯

漢宣帝姓劉氏諱詢昭帝時始冠身長八尺二寸足下龜文有毫

卓文君臉似芙蓉膚似凝脂眉色不加黛如望遠山時人效之號遠山眉

王商字子威身長八尺餘多膂力有威重身體鴻大容貌甚絕

擁退昭帝而立宣帝

喪夫声

頤首函

過人成帝時為丞相單于來朝拜謁商起離席與語單于仰觀商貌大喪氣天子聞之曰真漢相也

王莽字巨君侈口顰頤覺領露眼赤眼大聲而嘶長七尺五寸反鷹高視瞰臨左右相者曰莽所謂鷓目虎吻豺狼之聲故能食人亦當被人所食公孫誑曰鷓有虎吻并長鷲後篡漢自立果為漢兵所殺切食其肉

巨無霸身長一丈腰十圍王莽以為壘尉

東漢

漢光武姓劉氏諱秀字文叔隆準日角虬髯美鬚初為太司馬討河北護軍朱祐後容言曰更始政亂必有日角之相此天命也

馬援字文淵鬚髮交眉口似畫拜伏波將軍

東平王蒼美鬚髯腰帶八圍漢明帝朝以至親輔政後乞就國日者問東平王處家何等最樂王言為善最樂其言甚大卒謚曰憲

陳遵字孟公身長八尺餘容貌甚偉以任俠著名三為二千石擊賊有功封嘉威侯

高獲字敬公為人尼首方面少與光武有舊師事歐陽歙○尼首者首像尼丘山中低四方高也

李固字子堅貌有奇表鬚角匿犀足履龜文官太尉○頭骨如鼎足曰鬚角額上入髮際隱起曰匿犀

班超字仲升彪之子固之弟嘗請相者曰君布衣諸生而當

封侯萬里之外，超問其狀，相者指曰：燕頰虎頭，飛而食肉，此萬里侯相也。後守西域，封定遠侯。

黃琬字子琰，大尉瓊之孫，鳳時龜背，官至五官中郎將。

郭泰字林宗，身長八尺，容貌魁偉，知人好獎，不營仕進，四十  
二卒。

賈逵字景伯，身長八尺二寸，頭長，諸儒語曰：問事不休，賈長頭，官侍中。

盧植字子幹，身長八尺二寸，聲音如鐘，游馬融之門，學冠諸儒，漢獻帝時拜中郎。

樊賦張子美相之曰：公額上雙柱直起如龍角，但止乎陛朝矣，過之必危也。

欽凡切  
頰也

周燮字產祖，生而欽頰折頰，醜狀駭人，其母欲棄之，父不聽，曰：吾聞聖賢多異貌，與吾宗者此兒也。漢安帝以玄纁羔幣聘之，燮辭疾不就而歸。

劉元祐，鉗徒相之曰：公鼻露耳，巨肩膝彎，雖處公位，終非久長。後果因事徙海島，寄死野人之家。

黃昌字聖真，左足下有黑子，嘗自言當為二千石，果至蜀郡太守。

王育身長八尺，鬚長三尺，容貌絕異，初為人傭奴，許子章識之，給衣食，使子與之同學，妻以兄子。

趙壹字元叔，體貌魁梧，身長九尺，美鬚高眉，望之甚偉，司徒袁逢使善相者相壹，曰：仕不過郡吏，果然。

鐘山在干南  
京太平門外  
五里至今祀  
蔣是也

跋扈強狠也

蔣子文漢末為秣陵尉嘗自謂骨貴死當為神金鍾山蔣王  
是也

梁冀字伯卓鵞眉豺目洞睛曠時質帝目之曰跋扈將軍女  
為皇后宗黨盛毒害忠良伏誅

董卓字仲穎膺深容七李擅權伏誅

王允字子師郭林宗見而奇之曰王生一日千里王佐才也

鄧壽少遇相師曰鼻為氣戶君鼻大貴之相也官太尉

鄭玄字康成大將袁紹統兵冀州遣使要玄時大會賓客玄  
後至延升上座身長八尺飲酒一斛秀眉明目容儀溫備

閉戶著書前居生書帶草孔融表其鄉曰鄭公鄉門曰通

德門

要平声

古今識鑒第三

三國

為蜀帝稱先  
主昭烈法

漢昭烈姓劉氏諱備字玄德身長七尺五寸手垂過膝目顧  
見耳曹操稱為大耳兒孫權稱其梟雄之姿

曹操字孟德微時人莫知者嘗往候橋玄玄見而異之曰今

天下將亂安生民者其在茲乎許劭曰君治世之能臣亂

世之奸雄操喜漢末平群雄與吳蜀三分自封魏王子丕

篡漢追尊操武皇帝

吳大帝姓孫氏諱權字仲謀大口方頤目有精光上長下短

手垂膝初劉琬曰孫氏兄弟惟中弟形貌奇偉骨體不常

有大貴之表又最壽魏將張遼稱為紫髯將軍即皇帝位

國號吳壽七十一而殂

諸葛亮字孔明身長八尺形細面龐猶如松柏皮膚枯槁文理滋潤內有根蒂之實外無風雨之患一日華秀名滿天下佐昭烈為丞相謚忠武侯

關羽字雲長狀貌雄偉美鬚髯面紅頭側蜀漢佐命功封壽亭侯

軒音皇鼻息聲也

張飛字翼德環眼虎鬚雄壯威猛軒聲如雷貴相也但睡臥張目如怒後被帳下張達范疆所殺封右將軍西鄉侯

司馬懿字仲達曹操聞懿狼顧相欲驗之乃召使前行令反顧面正向後而身不動謂世子否曰司馬懿非人臣也必預汝家事不與懿善每相全佑故得免後三世執魏權至

孫炎篡立國號晉追尊懿宣皇帝

鄧芝字伯苗風骨秀爽張裕相之曰君年年七十位至大將軍封侯先主大奇之後拜車騎將軍陽武亭侯

崔琰姿高暢眉目疏朗鬚長四尺甚有威重曹公敬憚之後自殺

馬良蜀人謚之凡也眉間有白毫兄弟五人並有才名里諺云馬氏五常白眉最良仕蜀漢官至侍中

諸葛瑾字子瑜有容貌風度但面長如驢一日吳主大宴群臣命左右牽一驢面題諸葛瑾三字以譁之瑾子恪取筆

續之驢二字吳主笑而賜之

劉曄漢尚書趙晃之婿初妻長女早卒晃亦捐館夫人欲以

孔明之兄

長上声

七女繼之。睥求九姨。夫人曰。諺云。薄餅夜上揭。睥曰。七姨骨寒相薄。非睥之匹。九姨骨肉停勻。眉目清秀。三陽平滿。遂納之。生七子。皆大官。七姨適閔生。不第。落泊寒餒。晚歸。趙氏終身。

也。殂音祖死亡也。

魏文帝。姓曹氏。諱丕。操之長子。操為魏王。未立太子時。善相高元。呂曰。貴不可言。問壽幾何。曰。至四十。後登帝位。果四十而殂。

朱桓字休穆。須如蝟毛。獸鬣。仕吳為大將軍。以破曹仁。功封嘉興侯。

王粲字仲宣。貌侵小。文章弘贍。蔡邕聞其在門。倒屣迎之。一座盡驚。

射音赤

嵇康字叔夜。身長七尺八寸。美詞氣。有風儀。雖土木形骸。藻飾。人以為神仙之稟。龍章鳳姿。天質自然。名重天下。吏部尚書山濤薦康。自代康與書。告絕鍾會。譖於司馬昭。被害。魏舒字陽元。身長八尺二寸。姿望秀偉。少孤。養於外家。甯氏以漁獵為事。唯太原王又謂舒當為台輔。文帝深器重之。每朝會罷。目送之。曰。魏舒堂堂。人之領袖也。晉武帝拜右僕射。進司徒。

西晉

晉武帝。姓司馬氏。諱炎。字安世。髮長委地。手過膝。初卜世子。何曾裴秀曰。天表如此。固非人臣之相也。

陸機字士衡。吳丞相遜之孫。抗之子也。身長七尺。其聲如鐘。

文學蓋世仕晉為大都督遇害

何晏字平叔面白如傅粉晉武帝以熱湯餅試之汗大出拭以朱衣愈白常行步顧影管輅相之曰視候則魂不守宅血不華色精爽煙浮容若槁木此為鬼幽亦非遐福之相也果早卒

鄧颺管輅相之曰行步筋不束骨脉不制肉起立傾倚若無手足此為鬼躁非遐福之象也

管輅字公明容貌龐醜無威儀嘗謂弟曰吾額上無生骨目中無守精鼻無梁柱脚無天根背無三甲腹無三壬皆不壽之相也恐四十七八不見男婚女嫁矣

衛玠字叔寶風神秀異祖父瓘曰此兒有異於衆顧吾年老

三甲乃疊字  
三壬乃重字  
言有不盈而  
應不理

不見其成長耳總角乘羊車入洛市人見者以為玉人卒後劉惔謝尚共論人物或問杜乂可比衛玠否尚曰安得相比其間可容數人惔曰杜乂形清叔寶神清有識者所重如此

山濤字巨源初布衣家貧謂妻韓曰忍飢寒我後當作三公不知卿堪夫人否王戎有人倫鑑識嘗目濤如璞玉良金人皆欽其寶莫知名其器裴楷稱其若登山臨水幽然深遠為吏部尚書甄拔人材咸至顯要王戎見之曰真宰執也加尚書僕射侍中進司徒

和嶠字長與厚自崇重庾敳見而歎曰嶠森森如千丈松雖礫石多節目施之大厦有棟梁之用晉武帝拜為黃門侍

啟音愷

郎中書令惠帝進太子少傅

張華字茂先美風姿少孤貧阮籍見而異之曰王佐之才也  
華嘗言少時有相者言吾出六十位登三公斯言豈効歟  
然歪鬚常以錦囊盛之陸雲入洛素有笑癖見之輒大笑  
華後遇害蓋歪鬚之徵也仕至廣武侯兼少傅侍中

王戎字濬冲幼穎悟為人短小神采秀澈目視日不眩裴楷  
見之曰爛爛如岩下電阮籍嘗過其父渾良久熟視曰濬  
冲清爽非卿倫也後拜司徒封安豐侯

石苞字仲容雅曠有智局容儀偉麗時人語曰石仲容貌魚  
雙後佐晉武帝踐祚累遷大司馬封樂陵郡公加侍中

石崇字季倫貌似神仙聲似鼓父苞臨終悉以家財分遺諸

令去声

子崇最少不與苞曰此兒後當自有年二十為脩武令有  
能名遷城陽太守伐吳有功封安陽鄉侯後趙王倫收崇  
誅之

顧思遠頭有肉角長寸許而腰帶十圍雅有遠韻泰晉東海  
王越軍事轉軍諮祭酒越府多幽異故在其中常自神旺  
後石勒亂被害

李安仁晉明帝視之曰卿面方似田封侯相也

王湛字處冲渾之弟也身長七尺八寸龍穎大鼻少有識度  
美容貌官至汝南內史

王敦字處仲尚晉武帝女與從弟導誦戴元帝中興洗馬潘  
滔曰蜂目已露但羽聲未振若不噬人亦當為人所噬後



拜侍中火將軍。江州牧。果叛逆。

其卓為歷陽太守。陳訓相之曰。其侯而視昂。法曰。眇乃眼。又赤縷自外而入。不十年必主兵。死後被王敦所殺。

裴楷字叔則。風神高邁。容儀俊爽。特精義理。一時謂之玉人。見者如近玉山。照映人也。仕至光祿大夫。

王衍字夷甫。王戎有人倫鑑識。常目衍曰。神姿高澈。風采詳雅。如瓊林玉樹。自然風塵表物。王敦稱其處眾中。如珠玉在瓦石間。顧愷亦云。衍岩岩清峙。壁立千仞。嘗總角造山濤。濤嗟歎良久。既去。目送之曰。何物老嫗生寧馨兒。然誤天下蒼生者。未必非此人也。衍終日清談。手持白玉柄麈。拂與手同色。嘗與王導共車。攬鏡自照曰。尔看我目光已

麈尾主

在牛背上矣。其相為人。見尚如此。永嘉初。拜司徒。

羊祐字叔子。身長七尺餘。美鬚眉。少遊汶水濱。一老父謂曰。孺子有好相。未六十。必建大功於天下。既而不見。果至尚書右僕射。征南大將軍。加太傅。

### 東晉五胡

晉元帝。姓司馬氏。諱睿。生於洛陽。有滿室神光之異。及長。白毫於日角之左。隆準龍顏。目如精曜。顧盼熒如也。初為琅琊王。嵇紹曰。毛骨非常。殆非人臣之相也。

王導字茂弘。覽之孫也。少有風鑑識量。清遠。年十四。陳留高士張公見而異之。謂其後兄敦曰。此兒容貌志氣。相輔之器也。佐元帝中興。輔明帝成帝。累官輔國將軍。司空。錄尚

書事進封郡公加太傅久在相位多病每自憂患以問陳  
訓曰公耳豎垂肩必壽亦大貴子孫當顯於江東咸如謀  
杜又字弘理有盛名王羲之曰杜君膚若凝脂目如點漆此  
神仙中人也劉琰稱其形清早卒鎮南將預之孫也女為  
成帝后追贈金紫光祿大夫

桓彝字茂倫大司馬溫之父也性通明美儀有人倫識鑑周  
顛見而歎曰茂倫嶽峙磊落相之表也袁宏曰茂倫風鑑  
散朗或搜或引身雖可亡道不可殞宣城之節信義為允  
謝安字安石甫四歲桓彝見曰此兒風神秀澈王濛又曰此  
兒溫然如玉治世良吏而威儀禮節壹壹逼人後錄尚書  
事加大傅卒謚文靖

陶侃字士行善相師圭相之曰君左手中指堅紋當為三公  
若上達貴不可言侃以針刺決之見血洒壁成公字後果  
應其言又陳訓相之曰陶君與周訪皆位方岳功名略同  
但陶上壽周下壽晉成帝拜侃都督交廣荆江等八州軍  
事封長沙公卒謚曰桓

桓溫字元子生未暮溫嶠見之曰此兒有奇骨可試使啼聞  
其聲似虎嶠謂其父彝曰真英物也以嶠所賞遂名曰溫  
及長豪爽有風槩姿貌甚偉面有七星劉琰相其眼如紫  
石稜鬚如蝟毛磔孫仲謀晉宣王之流亞也初溫自以雄  
姿似宣帝劉琨之儔北伐還得一巧作老婢乃琨妓也見  
溫而泣溫問其故答曰公甚似劉司空溫喜而笑更衣坐

禡音通

受禡欲奪天子之位

為去聲

問婢又云面甚似恨薄眼甚似恨小鬚甚似恨赤形甚似恨短聲甚似恨雌温禡冠解衣昏睡數日不樂常有受禡志不就而死

杜皇后晋成帝之后少有姿色然長猶無齒有求婚者輒中止及帝納采之日一夕齒盡生后未崩先是三吳女子相與簪白花望之如捺傳言天公織女死為之著服至是后崩矣

前趙主淵姓劉氏字元海匈奴人父豹母呼延氏夢大魚頂有二角軒髻躍鱗變為人左手把一物大如半鷄子光景非常授之曰此是日精服之生貴子自是十三月而生淵左手文有淵字遂以名焉姿儀魁偉猿臂膂力過人晋為

寧翔將軍歸左國城稱大單于尋即皇帝位子聰

趙主曜姓劉氏漢主淵之族子生而眉白目有赤光鬚鬣白餘根長五尺身長九尺三寸手垂過膝

後趙主勒姓石氏字世龍上黨潞人生有赤光滿室白氣屬庭年十四随人行販洛陽倚嘯上東門王衍見而異之曰吾觀其聲視有奇志恐為天下患馳騎收捕已亡去長壯雄武一老父謂曰君魚尾髮際上骨四道已成當為人主果篡曜位

秦主堅本姓蒲三秦王洪之孫堅生有神光自天燭其庭背有文隱起成字曰艸付洪因改符氏手過膝目有紫光高平徐統有知人鑒密謂之曰君骨相不凡有霸王之相後

富大貴果即大秦皇帝

銑音恍  
厲音回上声

慕容銑字元真燕王廙第三子也龍顏版齒雄毅多權略既

嗣位有黑白二龍見于龍山銑率群僚觀之二龍交首嬉

翔解角而去在王位一十五年

後燕主垂姓慕容氏字道明燕王銑第五子少岐嶷有器度

身長七尺七寸毛過膝銑常目之曰此兒闊達好奇終能

破人家或能成人家初封吳王見忌奔符堅堅敗復稱後

燕僭即帝位一十二年

南燕主德字玄明垂少弟也姿貌雄偉額有日角偃月重文

與兄垂復立燕以德鎮鄴垂殂子寶失國德僭即帝位都

廣固號南燕在位五年

慕容氏燕主暉之妹清河公主也年十四有殊色秦主堅滅

燕見其骨相秀拔舉動端恪堅納之寵冠後庭暉弟冲年

十二亦有龍陽之姿堅亦嬖幸長安歌曰一雌復一雄雙

飛入紫宮

段元妃後燕主慕容垂之后少與妹季妃姿容皆婉慧骨奇

常謂妹季妃曰我終不作凡人妻季妃亦曰我無肩有骨

亦不為庸人婦隣人聞而笑之後慕容垂納元妃為繼室

范陽王德納季妃俱稱帝后

呂光字世明生有神光之異目重瞳左肘有肉印王猛異之

曰此非常人也符堅以為驍騎將軍後堅敗自領涼州牧

僭號三河王尋即天王位國號後涼

蜀主李雄美容貌相者曰。目如重雲。鼻如龜龍。口方如噐耳。如相望。上貴之相也。雄果僭帝位三十年。

劉元海身長八尺四寸。鬚長三尺。當心有赤毫二根。長三尺。

### 南朝

宋武帝姓劉氏。諱裕。字德輿。夜生神光照室。及長。雄傑有大度。身長七尺六寸。風骨奇偉。微時桓玄僭逆。帝從桓備入朝。時常叟善相。私謂帝曰。君輔骨插天。貴不可言。桓玄謂司徒王謐曰。劉裕風骨不常。蓋人傑也。玄后劉氏有智鑑。謂玄曰。劉裕龍行虎步。視瞻不凡。恐終非人下。

謝晦字宣明。美風姿。眉目分明。髮髮如墨。嘗同謝混在宋帝前。帝曰。一時頓有兩玉人。

謝靈運。晉康樂公玄之孫。欲入遠公社。遠公拒之曰。子髮鬚而鬚美。面與身戾。非令終之相。靈運怒曰。學道在心。安以貌耶。遠公笑而不答。後棄市。果如所言。

齊高帝姓蕭氏。諱道成。字紹伯。身長七尺五寸。姿表英異。能頰鐘聲。鱗紋遍體。肩有赤痣。如日月之狀。宋明帝嘗疑之。曰。蕭道成非人臣之相也。後果代宋。

齊明帝姓蕭氏。諱鸞。初為宣城王。有異志。恐人不服。以脾上赤痣示王洪範曰。人言此是日月相。卿幸勿泄。洪範曰。公日月在軀。如何可隱。當轉言之。

梁武帝姓蕭氏。諱衍。字叔達。生而狀貌殊特。日角龍顏。重岳虎顧。舌紋八字。兩腋駢骨。頂上隆起。有紋在右手曰。武微。

時王儉奇之曰蕭郎三十內當作侍中。出此貴不可言。但  
縱紋入口。終當餓死。嘗泊牛渚。一老人曰。君龍行虎步。相  
不可當。安天下者其在君子。

梁簡文帝諱綱。字世纘。武帝第三子。方頤豐下。鬚髮如益。直  
髮委地。雙眉翠色。目光燭人。手執玉如意。不相分辯。

沈約字休文。左目重瞳。腰有紫痣。聰明過人。梁武帝受禪。拜  
尚書僕射。

腋音亦

王敬則兩腋下生乳。各長數寸。母期其必貴。謂人曰。吾兒應  
得鳴鼓角。人笑曰。汝子必為人吹鼓角。仕南齊。位至大司  
馬。封侯。給鼓吹。

呂僧珍童時有相者曰。此兒有奇聲。封侯相也。初從梁武起

兵。一夜頭痛發熱。及明頰骨益大。後至領軍。封平固侯。

王儉字仲寶。骨清神秀。年數歲。袁粲見之曰。宰相之門地。括

栢。豫樟雖小。已有棟梁器。終當任人家國事。叔父僧虔曰。

我不患此兒無名。正恐名大盛耳。佐齊高帝受禪。拜尚書

右僕射。領吏部。卒謚文憲。

侯景左足上有肉瘤。狀如龜。戰應克捷。瘤則隱起。分明如不

勝。瘤低。及王僧辨至石頭。地名。瘤隱。陷肉中。又右足偏短。多

籌畫。不便弓馬。叛魏奔梁。武帝納之。後僭逆起。兵圍臺城。

困逼。武帝被誅。

徐勉字脩仁。宗人孝嗣。見曰。此所謂人中之騏驥。必能致千

里。後果為相。

張貴妃名麗華。陳後主之妃。髮長七尺。鬢髮如漆。其光可照。特聰慧。有神采。進止閑雅。容色端麗。每瞻視。光彩溢目。宮人望之。若神仙焉。

北朝

後魏文成帝姓拓跋氏。諱濬。隆準龍顏。立髮委地。即則乳垂。至臍。

高澄。賈子儒相之曰。人有七尺之軀。不如一尺之面。一尺之面。不如一寸之眼。大將軍臉薄眇速。非帝王相也。果如其言也。

楊大眼。眼如車輪。勇冠三軍。王康之初歸國。謂曰。在南聞君之名。以為眼如車輪。及見。乃不異於人。大眼曰。旗鼓相望。睽睽奮發。足使君目不能視。何必大如車輪。世謂關張弗過也。淮泗刑汚。間况啼。以大眼之名。恐之。即上。

高昂字敖曹。幼有壯氣。龍唇豹頸。姿體雄異。常曰。大丈夫當橫行天下。取富貴。誰能端坐讀書作博士耶。仕北齊。為西南道大都督。

蘆曹。北齊范陽人。身長九尺。臂毛逆如猪鬣。力能援樹。嘗疾猶伸足。舉二人。

宇文泰。狀貌瓌偉。背有黑子。如龍蟠之形。相西魏三主。後世子覺。寒立。追尊文帝。

周宣帝。姓宇文氏。諱贇。面古恠。如鬼。在位一年。淫恣敗國。禪于太子。自稱天元皇帝。

張景仁。少工草隸。常詣國學。摸石經。許子華見之。曰。張郎風骨秀異。舉立風生。必當通貴。非但官爵。迂達乃取。天子同筆硯。傳衣履。後為北齊後主侍書。封建安王。

許惇。仕東魏。為殿中尚書。美髯鬚。下垂至帶。省中號長髯公。後齊文宣因酒。截其半。人號齊髯公。

隋文帝姓楊氏。諱堅。姿相奇偉。生有紫氣充庭。母抱之。忽見頭上角出。遍體鱗起。大駭墜地。為人龍頭額。上有五柱入頂。目光外射。有文在手。曰王。沉深嚴重。周太祖見而異之。曰。此兒風骨不似代間人。遣善相趙昭視之。昭詭云。不過作柱國耳。陰謂曰。公當王天下。必大誅殺而後定。善記鄙言。來和子謂曰。公眼如曙星。無所不燭。當王天下。齊王憲

楊首漾

言於周主曰。楊堅相貌不常。臣每見之。不覺自失。恐非人下。請早除之。內史王軌曰。楊堅有反相。後果篡立。

隋煬帝。姓楊氏。諱廣。文帝次子。為晉王時。文帝使來和子相之。曰。晉王美風儀。眉上雙骨隆起。貴不可言。雖然。經云。眉稜骨高。一任作非為。終亦難保。後立為太子。及即位。敗亂天下。

王通字仲淹。仇璋曰。吾視其頰頰如也。重而不亢。目粲如也。澈而不睨。口敦如也。闕而不張。鳳頸龜背。鬚垂至腰。參如也。與之行。俯然而色卑。與之言。泛然而後慮。浪驚拖旋而不惧。是必有異人者也。隋文帝時。獻太平十二策。不用。教授河汾。門人謚曰文中子。



古今識鑒第五

唐 五代

唐高祖姓李氏諱淵字叔德體生三乳初唐儉稅之曰公日角龍庭名應畜識屬天下望久矣嘗有書生謁之曰公在相法貴人也然必有貴子

唐太宗諱世民少時一書生相之曰龍鳳之姿天日之表其年弱冠必能濟世安民因采其語乃名曰世民

李密字法主額銳角方瞳子黑白明澈隋時為千牛備身煬帝見之謂宇文述曰左仗下黑色小兒為誰此兒顧盼不常述曰蒲山公李寬子密也隋亂起兵據洛口倉國號魏後歸唐封邢國公怨望伏誅

滅隋恭帝而有天下

房喬字玄齡為人龍腦鳳睛幼警敏十八舉進士高孝基見之曰如玉在石如珠在淵僕閱人多矣未有如此郎者當為國器恨不見其聳壑凌霄耳唐太宗拜左僕射封魏國

公謚文昭

杜如晦字克明少英邁負大節高孝基見之曰山有石而川媚木有影必秀異君當為棟梁用願保令德房玄齡曰如晦王佐才也唐太宗拜右僕射封萊國公謚曰成

馬周袁天綱相曰君伏犀貫腦背若有負貴驗也近古君臣相遇未有及公者然面澤赤而耳無根薄而反側後骨不隆恐非壽相也岑文本又曰鳶肩火色騰上必速恐不能久必致摧折四十三拜相而薨

憂苦歎死也

岑文本。唐太宗命袁天綱相之。曰。學堂瑩夷眉過目。故文章振天下。首生骨未成。目前而視法當三品。但肉不稱骨。非壽兆也。貞觀中。拜中書令。

李世勣。本徐姓。唐太宗賜姓李氏。每臨事。選將必嘗相音。龐福艾者。遣之。人問其故。荅曰。薄命之人。不足與成功名也。王珪。字叔玠。龍門人。文中子之後父。北面受王佐之學。天綱曰。法令成。天地相臨。不十年官五品。唐初為太子中允。太宗遷諫議大夫。

崔善為。身短而偃。唐高祖拜為尚書左丞。令史惡其聰察。嘲之曰。崔子曲如鉤。隨例得封侯。膊上全無項。胸前別有頭。卒謚曰忠。

楊元琰。字溫卿。數歲未言。人相之曰。語遲者神定。必重器也。及長。秀眉美鬚。崇肩博頤。唐中宗即位。以誅二張。功封弘農郡公。卒謚曰忠。

姚果毅。宰相崇之父也。少時陳州刺史王當有女。集州縣文。武官。令袁天綱擇婚。天綱曰。惟果毅當生貴子。可嫁之後。生崇為相。

武則天皇后。袁天綱見其母妊時。曰。夫人當生貴子。後得女。抱見天綱。給以男。天綱視其貌。驚曰。龍瞳鳳頸。若是女子。當作天子。及見其二子。元慶元爽。曰。官三品保家子也。見韓國夫人。曰。此女貴不利夫。後皆如其言。王管照神云。則天陰毛過膝。后妃相也。

婁師德身長八尺。方口博唇。一日袁客師過登州渡。呼舟而還。左右請故。曰舟中人鼻下皆黑。不可以濟。時有跛男子負而至。曰貴人來可濟矣。江中風忽起。幾溺而免。跛男子即師德也。歷鳳閣。鸞臺。同平章事三十年。

王勃。揚炯。盧照隣。駱賓王。皆有文名。時為四傑。裴行儉曰。上之致遠。先器識。而後文藝。勃等雖有文才。而浮躁淺露。豈享爵祿之器耶。楊子沉靜。應得令長。餘得令終。為幸其後。勃溺南海。照隣頽水。賓王被誅。炯終盈川令。皆如行儉之言也。

張守珪。左足有黑痣。為范陽節度使。一日令安祿山洗脚。因以示之。祿山曰。小人兩足俱有。

安祿山。雙足黑痣。有毫。張九齡識其有反相。體充肥腹。垂過膝。自稱重三百斤。號大腹兒。叛逆。為帳下李猪兒以刀斫腹。流血數斗而死。

張巡。身長七尺。美鬚髯。每怒盡張。天宝末。守睢陽。死之。詔贈揚州大都督。

元載。李揆為相。苗晉卿數薦之。揆輕載。謂曰。龍章鳳姿之士。不用彼獐頭鼠目。子求官耶。後載入相。被誅。

李白。字太白。形色秀耀。手有三日文。蘇頲見之。曰。是子天才英特。少益以學。可比相如。賀知章稱為謫仙。

郭子儀。身長七尺二寸。初在行伍。李白客并州。於哥舒翰座上見之。曰。此壯士。目光如火。照人。不十年當擁節旌。屢脫

其刑責。翰因署為牙門將。後子儀賊之。安史之亂。歷諸道節度。及永王璘反。事于李白。子儀上天下兵馬副元帥印。綬貸其罪。

盧杞字子梁。體陋甚。鬼貌藍色。龍唇豹首。性而貴。檢刻凶忍者也。德宗時拜相。貶死。

裴度字中立。度嘗黜場屋。相者謂曰。公神形稍異。若不貴。必餓死。度一日遊香山寺。以婦人所遺玉帶一。犀帶一。還之。願留其半。公不受。後相者見之。大驚曰。公陰德及物。前程萬里。非吾術所能知。身貌不踰中人。名振華夷。外國君長必問其年貌。用捨。至宰相。封晉國公。

李泌字長源。初讀書衡岳寺。僧明瓚號懶殘。有道。泌嘗窺其所為。每中夜聞其禪誦。聲徹林壑。知其異人。潛住候之。僧取火中煨芋。啖之。曰。慎勿多言。領取十言。宰相。後果相。庸代德三朝。封鄴侯。

李珣字待價。李絳見之。曰。日角珠庭。非庸人相。後果貴。文宗朝拜相。

李賀。纖瘦通眉。長指爪。早卒。

李德裕。字文饒。宰相吉甫之子。遇異僧相之。曰。有絕世之表。五岳其備。當食萬羊。後得相位。食羊至七千數。謫廣之崖州。憲宗謂其有社稷功名。還。遂卒于彼。上命所歷諸司。祭祀。約用羊三千。果以萬數。是其驗也。

杜黃裳字遵素。番禺陽毋。問曰。末坐綠衣少年何人。此入全

別必是貴人。即貴人即黃裳也。元和中拜相封邠國公。呂洞賓。諱嵩。鶴形。龍骨。虎體。龍腮。鳳眼。雙眉入髮。頭濶身長。後入仙。號純陽子。

元德秀字紫芝。房瑄曰。紫芝眉目秀異。使人名利心都盡。業維翰狀貌醜恠。身短而面長。素以威重自持。嘗臨鏡竒曰。七尺之軀。不如一尺之面。真不註也。石晉時拜相。

後周太祖姓郭氏。諱威。微時為郵舍隊長。初柴守禮妹在唐。莊宗掖庭。明宗入洛出之。妹歸。謂守禮曰。見郵舍隊長黝色花項。雀影者甚貴。願事之。守禮曰。豈有花項天子。後歸之。及為帝。立為后。

古今識鑒第六

宋

宋太祖姓趙氏。諱匡胤。面方耳大。岳瀆俱附。萬人之表。儀觀偉然。但地閤縮。耳後待位。兩頤垂旋。生重頤。嘗曰。周世宗見方面大耳者。輒殺之。我終日侍側。不能害也。

宋太宗諱炅。為晉王時。太祖嘗曰。龍行虎步。必為太平天子。陳搏稱其龍顏秀異。有天人之表。

宋真宗諱恒。生而赤光照室。左足指有文成天字。姿表竒異。初在藩邸。東宮未立。太宗命一僧善相者。遍閱諸王。僧至真宗邸。方寢。息不得見。僧復命曰。無如壽王者。太宗曰。未見何知。對曰。見王門三僕。皆將相材器。其僕既爾。主可知矣。三僕者。楊崇勳。張耆。郭承祐也。

吳音細君上聲

將相並去聲

勳音勳

趙普微時。與宋太祖飲。坐席左。時陳搏在坐。怒曰。尔紫微垣  
一小星。據上次可乎。斥之。居帝右。

陶穀字秀實。嘗自謂頭骨法相非常。當珥貂蟬。眼色深碧。善  
相。道士陳子陽曰。貴人骨氣。可惜一雙鬼眼。必不至大貴。  
宋太祖受禪。為翰林承旨。轉刑戶二部尚書。卒。贈右僕射。  
陳搏。字圖南。麻衣道者。見於華山石室。曰。此子顏如冠玉。輔  
骨清竒。不為世主。必為仙人。因授以相人石室賦。見天下  
大亂。有安天下之志。至洛陽。聞宋太祖登極。墜驢一咲。曰。  
天下定矣。遂歸隱華山。賜號希夷先生。

種放字明逸。初見陳搏。作樵夫。拜於庭下。搏挽之。而上曰。君  
豈樵者耶。二十年後。當為顯官。君骨相當尔。以張齊賢之

種音种

薦。真宗召為左司諫。携手登龍圖閣。論天下事。後辭歸華  
山。拜工部侍郎。屢至京。卒。贈工部尚書。

寇準字平仲。初生。兩耳垂。有肉環。相者曰。君相甚貴。但及第  
太蚤。恐不善終。若功成早退。免禍。君骨類盧多遜。故也。後  
果罷相。貶死雷州。以澶淵之功。追封萊國公。謚曰忠愍。

李沆布衣時。先公知舒州。一日沆侍父涉江。俄而風濤舟幾  
覆。適舟中大校王姓者善相。曰。真宰相在舡。孰敢為害。何  
懼之有。果利涉。衆神其語。及沆拜相。王校猶存。沆謚文靖。  
王旦字孟明。與錢若水同直史館。知制誥。有僧若水曰。王舍  
人他日位極大臣。富貴無比。若水曰。面偏枯。結喉高。何以  
知其貴。僧曰。作相之後。面當自正。結喉高者。自奉薄耳。後

宰相二十年卒謚文正

王欽若字定國狀貌短小項有附疣初鄉薦赴闕張齊賢薦之偶謁館閣錢希曰適延一術士不容入欽若厲聲詰問者術士聞聲急令開門以迎欽若遠來形容瘦瘠舉止山野術士視之竦然側目起頰曰形聲相稱人中之貴當為宰相君臣相得福不全者無後耳後欽若子從益無嗣果如其言

錢若水入華山見陳搏一見以為神清可學道不然當富貴但忌太速尔又請麻衣道者為相之曰急流中勇退人也後位至樞副年未四十而卒贈戶部尚書謚宣靖

李遵勗字公武生數歲相者曰此子鼻與山根直是當以姻

鼎音旭

戚貴後舉進士果尚公主以駙馬都尉歷節度使卒贈中書令

張堯封屢舉不第家貧甚相者曰視子之相不過一幕職然骨貴必享王封莫曉其言後登進士第果以幕職遷石州推官終女歸宋仁宗為溫成皇后贈太師中書令清河郡王謚景思

宋郊宋祁並苦學大雨垂至編竹以渡蟻一日遇異僧相之曰公已活數萬命郊記之必渡蟻也僧曰小宋當魁天下大宋亦不失前名陰隲紋上面故也後果聯第章憲太后以弟不得光兄改大宋第一小宋第十郊至宰相封鄭國公謚元憲祁翰林承旨謚景文

王曾字孝先。眉目如刻畫。弱冠三試皆首冠。仁宗朝拜相。封沂國公。謚文正。

呂夷簡布衣時。侍父蒙亨。宰江都。罷歸淮甸。適尚書員外郎直史館馬亮。使事在道。夷簡求見。馬一閱知其必貴。遂以女妻之。後以叔父蒙正之薦。至宰相。子公著亦至宰相。宋神宗諱頊。生而祥光照室。群鼠吐五色氣。成雲。隆準龍顏。動止皆有常度。

陳夫人王氏克正之女。克正卒無子。而女方十餘歲。陳搏往吊。出曰。王氏女。雖不見其面。觀其捧爐奉佛手相。甚貴。此女必為國夫人。宋太宗命陳晉公恕娶之。果為夫人。

衍言演

杜衍少客濟源。有縣令能相。人厚遇之。與縣之大姓相里氏

議婚不成。衍別娶早死。令曰。相里氏女。當作國夫人矣。相里氏兄固却。令召其弟。議之曰。杜秀才。人材足依也。遂定。兄悵然曰。姑從之。俾教諸兒讀書耳。衍未成婚。登科。相里兄大慙。後衍至宰相。以兩郊異恩。奏任。相里氏之第官至員外郎。

彌音匹

富弼年十歲。父言為呂蒙正客。引見蒙正。驚曰。此兒他日文正曰。富弼骨相磊落。異日必貴。遂成婚。後至宰相。封鄭國公。謚文忠。

范百常體有四乳。父磁卒于隴城。范文忠公鎮聞。磁有遺腹子在外。徒步入蜀。求之二年。乃得之。曰。吾兄異於人有四乳。是兒亦必然。驗之果然。



王安石字介甫初為鄞令李承之曰鄞尹眼長而白甚於王  
敦他日亂天下者此人也安石面有黠呂惠卿曰用園妾  
洗之必去安石曰天生黑於予園妾其如予何張安道亦  
言安石言偽而辨行偽而堅用之必亂天下安石拜相果  
變法任邪濁亂天下

黼音甫

王黼字將明美風姿目睛如金有口辨才寡學多智宣和中  
位歷三公封楚國公靖康初見殺

章惇字子厚始生族父得象奇其風骨以為必貴後元豐中  
拜相封中國公

呂大防字微仲身長七尺眉目秀發聲音如鐘自少持重官  
至尚書左僕射兼門下侍郎卒贈太師宣國公謚曰正愍

歐陽脩字永叔短視少時有相者曰耳白於面唇不着齒必  
大顯但無事得謗後至宰輔謚文忠

文同字與可方口秀眉以學名世善詩文篆隸行草飛白畫  
竹文彥博稱其襟韻洒落如晴雲秋月塵埃不到以進士

歷知湖州

向敏中字常之姿表瓌碩眉骨入鬢父瑀嘗曰大吾門者此  
兒也有書生過門見敏中謂隣母曰此兒風骨秀異貴且  
壽真宗朝官至右僕射平章事卒贈太尉謚文簡

賀鑄字方回長七尺面銜色眉目聳拔以后族尚氣使酒官  
歷倅太平州有慶湖遺老集行世

劉安世字器之儀狀魁碩聲吐如鐘談論踰時體無欹側有

鑄音注

背竦直身不少動。至手足亦不移。官至待制。學者號為元城先生。

祖士衡字平叔。幼過外家。有僧善相。語人曰。是兒神骨秀異。他日有名。年過四十。位極人臣。後至起居舍人。知制誥。落職三十九卒于官。

蔡京視日不眩。相者曰。大貴相也。陳了翁曰。貴則貴矣。區區精神敢抗太陽。他日得志必無君。為天下患也。徽宗時居相位。斥逐賢良。任用邪佞。果如了翁之言。

張洞字仲通。為人長大。眉目如畫。卓犖不群。幼時父惟簡抱訪里之相者曰。郎君生甚奇。必載策名。當以文學政事顯。後以布衣上方。略中進士第。歷館職。出為江西淮南運使。

艾氏龐儉之母。儉父先逝。難儉亦隨母流蕩。還鄉。因鑿井得銅致富。遠買一奴。名蒼奴。既至曰。堂上我婦也。姓艾名阿宏。足下有黑子。腋下有痣。母聞之曰。我翁也。遂為夫婦。時人語曰。鑿井得銅。買奴得翁。

朱熹字仲晦。面有七星。以道學鳴世。卒謚文公。徽之婺源人。宦寓福建建陽。有考亭書院。子孫贈襲博士。

韓世忠字良臣。風骨偉岸。目瞬如電。驚勇絕人。少貧嗜酒。尚氣。日者言其當作三公。世忠怒。其侮已。毆之。南宋以大功

備音武

加節鉞。封潭國公。進咸安郡王。卒贈太師。蘄王謚忠武。王德用狀貌魁偉。面色正黑。宋中興名將。朝野閭巷及四夷君長皆稱為黑相公。

劉錡字信叔。德順軍人。美儀狀。聲如洪鐘。善騎射。官至東都副留守。卒。贈開府儀同三司。謚武穆。宋中興四將之一也。解元字善長。踈眉俊目。猿臂。宋中興名將。以功至保信軍節度使。卒。贈少保。

陳亮字同父。生而目光有芒。屢舉不第。及授簽書。建康府判官。卒。謚文毅。以其上疏切諫也。

李太后。安陽人。慶遠節度使道之女也。道聞道士皇甫坦善相。乃出諸女拜之。坦譙不敢受拜。謂之曰。此女神色威嚴。舉動端確。后妃之相也。後配先宗。頗虧婦道。

謝皇后。宰相深甫之孫。后生而顰黑。醫一目。楊太后擇配。理宗未定。會元夕。有鵲巢燈山。衆以為后妃之祥。忽病疹。膚

琬瑩白如玉。及醫藥去。目瞽。太后曰。此女端重。有福帝禮。遇之。

秦檜字會之。眼有夜光。宋高宗時居相位十八年。主和誤國。殺逐忠良。識者曰。人之眼光在書檜。反是為陰邪。可知。

真德秀字希元。長身廣額。容貌如玉。望之者無不以公輔期之。幼時同郡楊圭見而異之。妻以女。士至參知政事。卒。謚文忠。號西山先生。今福建浦城縣大儒坊有祠祀焉。子孫襲生員。迎待士夫拜謁。

宋汝為字師禹。身長七尺。踈眉秀目。望之如神仙。官至武功大夫。開州刺史。使金不屈。忤宰相秦檜。變姓名入蜀而卒。丁大全字子萬。面藍色。宋末位右丞相。兼樞密使。貶死。

姜字字子居。少孤貧。為河北陳不識家牧羊。年十五身長七尺五寸。美風儀。聰慧。讀書達旦。不識奇之。欲妻以女。妻不從。其女曰。觀其姿才。豈久為牧羊者乎。遂妻之。果貴。

趙方字彥仁。長沙人。奇形古貌。眼有大小。相者謂之曰。一眼大。一眼小。夫者觀天地。小者視四表。官至龍圖閣學士。贈端明殿大學士。謚忠肅。二子葵范。

呂文德魁梧勇悍。足長尺餘。有咫。嘗賣新城中。趙制置葵見道旁遺履。訝之。遣吏訪其家。值文德出獵。暮負虎鹿各一而歸。葵留帳前累官少保。歷兩鎮。封衛國公。

文天祥字履善。體貌豐偉。美指如玉。眉秀目長。顧盼燁然。官至丞相。加少保。封信國公。盡忠。宋室號文山先生。

### 古今識鑒第七

元

元世祖。姓奇渥溫氏。諱忽必烈。初在藩邸。嘗召紫碧眼相之。曰。殿下面如方田。顏如冠玉。五星分明。九州光澤。龍睛鳳目。額如覆肝。眉秀骨清。此人南相。恢廓大器。如舟載萬斛。大貴之表也。

耶律楚材。字晉卿。身長八尺。美髮髯。洪聲。元太祖見而偉之。官至右丞相。中書令。以佐命功。卒贈太師。封廣寧王。謚文正公。

伯顏。蒙古八鄰部人。天資高厚。風神秀朗。英偉端大。剛介莊。廉言。咲有時。喜愠莫測。進貢於元。世祖閱其貌。偉言。厲曰。

非諸侯王臣也。其留侍朕終其平宋累功。至左丞相封太師。淮安王卒。謚忠武。

木華梨。後臂善射。勇毅多智。元開國勳位。至太師。封魯王。謚忠武。

扎八兒火者。長身美髯。方瞳廣額。官至湖南樞密。使追封京國公。謚康懿。

吾也。而柵竹氏狀貌甚偉。腰大十圍。官至開元等處七路征行都元帥。

史天倪。字和甫。始生之夜。白氣貫庭。及成童。姿貌魁傑。有道士見而異之。曰。封侯相也。官至都元帥。

史天澤。字順甫。身長八尺。聲如洪鐘。勇力絕人。官至中書左

丞相。贈太尉。謚忠武。進封鎮陽王。

王善。字子善。姿儀雄偉。其聲若鐘。多智略。善騎射。官至金吾衛大將軍。左副元帥。贈司徒。冀國公。謚武靖。

李洄。字旣之。滕州人。善篆隸。其骨格清峻。神情開朗。秀眉竦鬚。目瑩如電。顏面如冰。玉唇如渥丹。然我冠褒衣。望之者。疑為神仙中人也。元翰林直學士。

歐陽玄。字元功。廬陵人。一黃冠。目之曰。是兒神氣凝遠。目光射人。異日當以文章冠世。廊廟之器也。元翰林學士承旨。封楚國公。謚曰文。

孟遠。思幼有奇質。年十五。盡通本國書。元太祖聞之。召至闕下。一見大悅。曰。此兒目中有火。他日可大用。後世祖即位。

詔與安童並相固辭卒贈太師武都王謚智敏

趙孟頫字子昂宋宗室秦王德芳之後身長美鬚鬢肌膚脂

膩容采可鑑多才藝或譖于元主曰子昂好相表恐南人

挾之以叛將除之皇后曰第觀之召入令取帽閱之后曰

尖頭小書生釋之毋憂也累官集賢直學士翰林承旨贈

江浙行省平章封魏國公謚文敏

察罕帖木兒總兵鎮山東益都時相者牛冲霄曰大總兵威

雄態度眉目插髻但左肩換右肩到了不週全後被叛賊

王士成刺殺之追封忠襄王謚憲武

脫脫馬扎兒台之子秦王伯顏之從子幼岐嶷異常兒儀狀

後偉頎然出於千萬人中器識宏遠莫測其量見伯父伯

母与无同禁  
止之并

頎音祈

頎擅權以大義滅親定計逐之至中書右丞相大傅哈麻

矯詔鴆殺之

揭法仕元為兵部郎中袁柳莊相之曰君骨氣嶢嶢舉動端

慤詔閣噐也但神庭金櫃黑氣如云此去大不利縱有美

擢而到任難矣果預倭寇難脫身赴北授秘書少監未任

而元社屋矣

陳麟袁柳莊相之曰君面外青內黃憂中有喜况青龍氣在

天庭若祥雲瑞氣橫貫秋月進官累累可四品然終不到

職後擢戶部主事改瑞安知州陞秘書監丞俱不克赴

普光帖木兒為南臺大夫由閩海道袁柳莊曰公神氣嚴肅

舉動風生但印堂司空有赤氣到官一百十四日當奪印

頎音窩  
誰去去戶

然守正秉忠名垂後世後果署臺事于越被張太尉士誠  
逼取印綬抗節而薨

月魯不花為南臺中丞袁柳莊曰公膚似凝脂目如點漆聰  
慧而文官二品然不宜往公問為何答曰面有紫赤氣如  
玉印紋除拜象也然火色豈宜往水位後泛海果遇倭寇  
所害

張彥珪袁柳莊相之曰君肉滑筋藏骨更清早年名位達天  
庭但中正寒毛侵入日角耳薄無根形氣相反幼年父主  
刑戮家破而身始榮况準頭權印黃紫氣如圓珠石五日  
內有二除官必五馬職也然不善終後以公事朝京授樞  
密使副兼台州路總管兵至冕而遁卒追殺之

曾說袁柳莊曰魚尾笏紋朝耳耳無輪廓他日死將無歸官  
不過五品且毛髮乾枯眼光視地二年之內身死而禍起  
果為理官兵至發其屍以戮

楊天顯字秉哲袁柳莊曰君色青身小語言清亮主文進終  
居幕職且邊地有氣如雲行月出交夏四七日遠動得吉  
受羗赴北為首都事拜燕府長史

趙宜訥袁柳莊曰君色溫而黃氣和而悅當膺憲臺薦官但  
騰蛇氣居火星內過三年方蒞事終四品果三年應薦赴  
兪都元帥陞同知元帥

謝理袁柳莊曰五岳峻四水相朝官可至理問然朱雀氣居  
印堂法當人怒罷職幸司空土黃光明潤未年五月必復

長上声

職果為方國球怒被黜。後二年除省理問。次年五月到官。洪珏袁柳莊曰：君面方如田，富貴相也。但妻位氣青，主損兩配。生平多心術，長子必見刺。貶後有田五十頃，官至省員外。兼理問，一妻死，其一出也。長子果刺屯遠地。

胡熊袁柳莊曰：君氣固清瑩，然貴未實。惟喜明堂兩點如紅，豈端陽後可實授也。果於五月三日授省都事。

蔣杰袁柳莊曰：君剛毅汪洋之氣，當以文顯。十年內官三品，但眼尾山根氣滯，必當遲娶。後為刑部主事，姻尚未成後。

知參事

黃益謙袁柳莊曰：氣有餘形不足，後當處冗職而富難久也。果為司稅官，而家日落。

首尾羅計也  
在左右眉間  
亦為天目計  
為大尾

黃有獻袁柳莊曰：君中正廣而印堂清地，閣豐而人中斜。雖

富貴終不能久。後有田七十頃，為省理問，家日以落。

葉堅袁柳莊曰：君首尾不欺，權衡職也。然氣色青浮，七七日内

恐懼成疾。後為左司郎中，得驚而病風。

吳鈞為南臺法書，袁柳莊曰：君鼻梁聳，得陰貴助。司空揚州

分野，紅氣潤澤，六八日除南方臺職。

周鼎字伯器，袁柳莊曰：君祿骨起，氣色亦開，十日內當出仕。

後為滁州知州，降雲南知縣。

俞左吉，袁柳莊曰：君五行敦厚，富徵也。然少肥氣，短色浮而

隳富而天耳。

察割字歐辛，明王安端之子，善騎射，貌恭心狡，人以為懦元。



太祖曰此兒頑非懦也其父安端嘗使奏事太子謂近侍曰此子目若風駝面有反相後天祿五年果作亂弒逆李志元末為西浙憲副袁柳莊曰君蘭臺色慘將旬日死果以次年正月卒

都堅不花為西浙憲副袁柳莊曰君天庭色紅四十九日遷南方果除福建憲僉湖南路監郡南臺經歷

字木魯昂西浙憲僉袁柳莊曰口有赤光而青黑乘之三百日不祿至期以喪赴

夔夔字子山康里氏風神凝遠制行峻潔掀髯論事望之知為貴介公子仕至江浙行省平章翰林承旨

杜瑛字文玉其先霸州人長七尺美髯鬚氣貌魁偉元世祖

夔夔  
唵音葵

詔不起卒天曆中贈翰林學士上護軍封魏國公謚文獻王伯勝霸州文安人廣穎臣鼻狀貌屹然仕元官至兵部尚書南臺治書侍御史加太保封冀國公謚忠敏

劉哈喇八都魯河東人世祖見其目有火光異之官至咸平宣慰使召為御史中丞道卒

拜降北庭人美髯鬚儀表其偉嘗從阿木伐宋降回奏世祖稱為黑鬚使臣官至工部尚書卒贈江浙左丞謚曰貞惠

劉驢兒真定人生有三乳自以為異謀不軌事覺磔于市普花達實西浙憲僉袁柳莊曰君陰位微紅主福德然不宜

唵音合喇音  
辣

動動則凶矣果緣事復職後寄死人家

史銓西浙憲僉袁柳莊曰君祿庫權準赤黑氣如雲行蕪之

法令有白氣三七日解官。後以言不行。去在鄞。陳泰為西浙憲史。袁柳莊曰。公神庭金櫃有黑氣。日中當黜。其日午漏下。都堅不花。僉事糾退之。

鄧弼字伯翊。秦人也。身長八尺。雙目有紫稜。開合閃閃如電。聲如所吼。能以力雄人。隣牛方鬪。不可擘。拳其脊折仆地。市門石鼓。十人昇。弗能舉。兩手持之。行。泰定末。德王試之。上章薦諸天子。會丞相與王有隙。格其事。弼環視四體。嘆曰。天生一具銅筋。鋏肋。不使立動。萬里外。乃槁死。三尺蒿下。命也。時也。尚何言。遂入王屋山為道士。後十年而終。項昕為西浙憲史。袁柳莊曰。公地閣有赤氣如魚鱗。紋不三日內。將火。次日所居屋果災。

斯章其

沈博為西浙憲史。袁柳莊曰。公中部赤白氣貫點。上如梅花。三月之內。有父服果。以父憂去。

鄭文袒游為西浙憲史。袁柳莊曰。公印堂山根紅。乳兒。夏秋當赴辟。上必南地果。三閱月為福建帥府史。

劉仁本。張啓源。鄭文寶。丘楠。一日同請袁柳莊。袁相之曰。劉

公清中之濁。張公濁中之清。鄭丘二公。九州光澤。精神澄

澈。又曰。公等十年官二品。晚節皆得譴。後果俱任樞密分

院副使。改物後。啓源文寶就戮。仁本死獄中。楠亦責貶。先

是。啓源在分院時。見山根赤氣。浮如草根。二日內當有火

厄。次夕。啓源家燬。質明。又曰。火氣猶未退。啓源曰。我家已

一夕盡。尚火耶。俄而莊所亦告焚。

古今識鑒第八

國朝

鐵當作鉄

太祖高皇帝初駐兵滁陽。方士鍊冠謁見曰：天下擾攘，非命世之主，未易安也。以今觀之，非明公而誰？

上問其意，對曰：明公狀貌非常，龍瞳鳳目，天地相朝，五岳俱附，日月麗天，輔骨插鬚，聲音洪亮，貴不可言。但四維滯氣，如雲行月出之狀，所喜者準頭黃明，貫於天庭，直待神采煥發，如風掃陰翳，即受命之日也。應在一千日內，且邊地驛馬有驚氣，南行遇敵，切須戒慎。

太宗文皇帝居潛邸時，先臣庭王相之曰：殿下異日太平天子也。龍形鳳姿，天廣地闊，額如懸壁，伏犀貫頂，日麗中天。

五岳附地，重瞳龍鬚，五事俱分明。二肘若肉印狀，龍行虎步，聲如鐘足，底龜文，雙黑痣，年交四十，鬚過於臍，即登寶位。

仁宗昭皇帝初在

東朝先臣

庭王

啓曰：殿下如滿月，體貌豐厚，四瀆分明。

精神澄澈，但肉浮於骨，目光流盼，待過七七之年，氣色開朗，天福無疆也。

宣宗章皇帝為

皇太孫時，召臣

忠徹

諭曰：尔父子風鑒，看我

皇祖甚驗。我相如何？臣啓曰：殿下五星拱照，九州光澤，日角隆起，龍目虎鬚，上長下短，寔緝熙之主也。殿下鬚鬣

庭王忠徹之父也

已長地閣之鬚未齊待其相應即登極也。

常遇春徐州人初為劉聚所得客相之曰公形如虎踞口似血盆神采雄異當以武功佐真主定天下安得久居此乎所惜者少壽耳戒多殺人遇春然之後聞

太祖高皇帝起兵仗劍往從之立大功至左丞相果以四十而卒謚開平忠武王

徐達鳳陽人少遇僧秋月相之曰君身長八尺五寸五岳相朝六府充實腰圓背厚行如虎步他日必大貴又鐵冠道人相之曰公兩顴赤色眼光如火官至極品但不過中壽耳後以翊運功位至太傅右丞相卒謚中山武寧王

湯和常州武進人洪武初為御史大夫制置江浙袁柳莊相之曰身長八尺面似銀盆極貴相也但魚尾無肉在積德以延後嗣後果論功封信國公卒贈毗陵王

沐英總兵平陝西一僧相之曰公三停平等骨肉均勻兩目用則張收則藏豐下燕頤封侯相也果封西平侯卒贈黔寧王謚昭靖

方國珍浙之黃岩人元末舉兵反海上初據明州袁柳莊相之曰公神氣不常舉動急速性靈氣暴南面胡相故以武處官至一品目下龍穴鳳池有紅黃黑氣二七日內男女生國珍曰一婦有孕何見男女生後果生一男二女官至平章收事洪武初歸款授左軍僉都督

方明鞏國球後子也。袁柳莊曰：君眼長而眉太重，額廣而日角不瑩，非喪父官不顯也。後父死於兵，廩襲浙江行省左丞，果如其言。

方明敏，國球子也。袁柳莊曰：君邊地赤氣如刀劍紋，二九日內有陞進，隨從父克大倉有功，授分省參政，調江西。方明謙，國球後子也。袁柳莊曰：君容儀整肅，顴骨插鬚，但目三角而陷，終當敗家。後洪武初，歸款授太倉衛指揮，僉事，經略明台溫三府。起方氏軍，稍從軍訪民疾苦，遂致驕橫。洪武戊午年，時國球已歿，明謙受剝膚之刑，舉族累禍。

李景隆，鳳陽人。洪武中，袁柳莊相之曰：公五行敦厚，四水

相朝姿相英特，望之如神。但兩頰似桃花，不免孤貧落寞耳。宜自保之。後襲曹國公，未幾初下獄而死。

徐輝，祖中山王達長子，身長八尺五寸，體貌魁偉，器用急促，面麻目睛不定，神不守舍。袁柳莊相之曰：公貌雖魁梧，但欠凝厚，年交四十，福祿將艾矣。至期被繫而卒。

許方，字宗義，袁柳莊相之曰：神氣澄澈，學堂氣全，當以文顯。一萬日內，官至三品，然宜早退。目下梅花白氣點點，散入年壽，一季之內，弟將溺水死，左右魚尾氣動，須急成婚，否則遲一千日。蓋內外三陽如雲行紋，必大服動也。後二月，仲弟死，桃花渡，姐將成，以父憂止。拜南昌知府，再任還，鄞入太陽，法曰：游魂無宅，死將臨焉，母不可

往次女早亡。涉秋必應也。母遂不往。卒于家。方後竟死。

### 京獄

陶凱，袁柳莊相之曰。君五岳朝揖，而氣色未開。五星分明，而光澤未見。宜藏器待時，不十年以文進。為異代臣官，二品。顯名荆揚間。洪武初，歸附為禮部尚書。湖廣叅政程涂元末為江西憲副。袁柳莊相之曰。君帝座上有黃紫氣，見千日內有二美除，但冷笑無情，非忠節相也。果拜兵部侍郎。陞尚書。後歸款，降吏部侍郎，被誅。

詹徽，湖廣人。父同文，初仕為漢守南昌。遂家焉。洪武初，徽延袁柳莊相之曰。公五岳敦厚，眉目插鬣，口如四字，面肉橫生，凜然威赫。且天庭司空，紅黃氣二道衝入髮際。

四十九日。當有二美除。不脫風憲官。二品徽曰。本院長官五品何謂二品。次年春二月果拜都御史。後十日制。陞都察院秩二品。徽仍掌印。十年之內。兼掌吏部。後忽目光射人。竟坐黨伏誅。

茹瑞，衡陽人。洪武中，袁柳莊相之曰。公四瀆深，五岳峻，鼻勢昂藏，骨法磊落。身長八尺，行如舞鶴。封侯相也。果官至兵部尚書。進封忠誠伯。死於獄。

姚廣孝，長洲人。初為僧名道行。主北平慶壽寺。洪武戊寅，忠徽應召。顧問畢，退見公於仰山。公曰。尔伐父耒，且試閱我如何。忠徽答曰。師額廣，鼻圓唇紅耳白，法當大貴。兩額插髮，大露峰。故入淄門，但右目影白，三角帶殺病。

凱音楷

涂音途

徽音輝

淄音資

虎之狀。性必好殺。所惜者。人中窄小。地閣短削。若旋生重頤。福壽無至。文官極品。劉秉忠之流也。公咲而不吝。後果重頤。豐領年登六旬之八。以靖難功命。反初服拜太子少師。卒贈榮國公。諡恭靖。

李至剛為禮部尚書。借刑部侍郎。劉季篈過。忠徹有問答。曰。李公岳瀆深。尊倉庫豐滿。官二品。但語吃準。恒昏。福去禍來之兆。劉公頤骨高起。氣象雍容。故貴。數將五九。運退身厄。神庭金櫃有黑氣。有日內落職。後果然。呂震字克聲。臨潼人。洪武末為北平僉憲。忠徹曰。公五岳成四水不返。鼻準隆有尾。不欺目秀。聲亮。溺申之。請貴可極品。後累官至禮部尚書。

吳中武城人。面部方圓。峻岳深瀆。五行敦厚。地閣方平。齒如榴子。聲若撞鐘。富貴之相也。洪武末為大寧經歷。忠徹視之曰。公目下赤。公私之擾。干日內方脫。必大顯。後官至工部尚書。永樂辛丑夏。遇公於關門。忠徹曰。公黑氣浮印堂之右。必有刑獄之干。易入難出。未幾以事坐獄。三載而脫。復職陞少保。

李慶初知紹興府。忠徹謂慶曰。公兩顴插鬚。芴紋入耳。五岳豐而四瀆深。終掌風憲。公印堂黃氣。遇凶得喜。但面肉橫生。恐不終祿。後慶陞刑部侍郎。又一日見慶左眉上白虎氣。曰。主喪服。然司空黃氣明。恐不終制。果以父憂起復。陞都憲。兼尚書叅贊。征交趾。驚懼而歿。

胡儼字若思初陞諭德一日偕同列出內廷忠微揖視儼

而別既而語於司諫梁良曰胡諭德旬日內又陞良以

告儼儼未之信越七日陞祭酒儼喜而叩之忠微曰子

形神清澈骨與肉稱鼻準豐隆目如點漆法應清貴向

值子時紅黃之氣見山根印堂騰上甚速故知遷擢不

出旬日也又一日遇於闕門外忠微曰子上停有白氣

其應不出七七日果丁父憂又儼病瘧下危急忠微扈

駕北征回過儼問疾入門見其猶子昂驚曰此即喪氣

盈面及視儼曰病雖重準明必不死但愈遲耳未半月

家信至昂毋妻皆死儼三月方起

張泌為光祿卿忠微謂曰君體貌豐厚五行全備鼻懸膽

舌潑砂官可二十年忽一日目下色露白如凝脂忠微

曰七七口內服耗踰月妻亡

井泉為典膳時忠微曰子骨肉勻神氣和黃紫氣朝帝座

千日內有二除官三品泉自以庖人未必然又曰但今

目下白氣點點如梅花二七日內有服果女弟及子連

喪後陞署官遷光祿卿

張信為禮科給事中忠微謂曰君形質豐潤學堂氣全中

正有紫氣職當遷且顴骨隱隱入鬢文中之武後必大

顯繼陞刑科都給事中一日信天庭如青烟曰此疫氣

也喜戰堂氣似柳葉朝邊地十旬內加官後數日信得

疾疾愈甫三月陞工部侍郎改都指揮掌錦衣衛事



錢性天台人孫迪錢塘人未仕時借詣忠徹見性謂曰君

四水朝而形虎踞印堂紅氣如豆明年端陽後得祿必

秋官也謂迪曰君神氣固學堂豐眉間黃氣起貫天庭

秋舉春試皆如意官可五品但魚尾白色浮緊難言壽

性至期以監生除刑部主事迪果第進士為禮部員外

郎未婚而卒一日又遇性曰司空黃氣見七日內有陞

揚州分色紅潤吉氣重臨必四品果陞安慶知府

曾寶福州人為湖廣道御史適同賜宴於東角門忠徹

視寶謂曰骨肉停勻肩高額廣天庭紫氣連驛馬不三

月當陞然聲中帶殺終掌風紀應在坤方但井竈之下

常黑須防水厄果擢廣西憲使後五年溺死

易英澧州人鼻懸膽唇啣丹面如同字膚如凝脂山林秀

驛馬隆為浙江叅議忠徹見而謂曰目下天庭紅色法

主遷擢兼虎眉黃氣必居八位一年內應但神不守舍

恐不得永終果陞禮部左侍郎遣祭錢塘海神登程隆

馬而死

韓公茂初為良醫忠徹謂曰公之相五岳布而未開神氣

結而未舒今天庭青氣日生千日內當美除及期擢為

院使一日見公茂內學堂闕日神微露告曰八八之數

當慎之果以六十三造朝暴疾而卒

李貫廣西人初為浙江理問易服如商人請閱忠徹曰君

骨細肉緊目紋入髮然目神帶殺重法主刑官豈商人

即貫咲曰。吾理問也。後終何官。忠微曰。君高廣有紅黃

氣。三年可五品。果陞刑部郎中。一日過於京道。謂曰。龍

虎角黃氣。見有日內。有外臺之擢。但進銳退速耳。果授

福建憲使。累降知青州。及河東運同。繕工經歷而卒。

王觀童。永平衛指揮。元總兵擴廓帖木兒之弟也。洪武末

忠微會於北平。視之曰。公五岳峻而山林重。五星顯而

光澤未現。上馬大而下馬小。聲洪如鐘。可二品。後調羽

林右衛。遇於京。忠微謂曰。目下氣滯。宜待時而動。逮

皇上統馭。陞都指揮同知。及見其長子義曰。胡人南相。濁中

清他日官二品。目下驛馬白氣如雲。行月出。七七日內

動。但宜守分。後陞僉都指揮。謂曰。官運未顯。如何得此

期在大故之後。于日方許

上忽命削其官。後三年父喪。始襲職。次子忠。眉豎骨堅。聲音

澄澈。官亦三品。後授金吾前衛指揮同知。季子智。冒目

促而山林稱。肉多骨少。雖有官而職卑。且不言壽。果授

散騎舍人。不及三旬而卒。觀童哂曰。我家皆是官。恐亦

不然。後果應。及見義子七十五。改姓徐晟。忠微曰。顴骨

豐而目神異。骨法秀而精神爽。况天庭高廣。驛馬光潤

千日內以文進而入武也。至期同。忠微授鴻臚序班。既

陞少卿。未幾調錦衣衛僉指揮事。後至都指揮。世詫其

榮。

內侍王安。即不花都女直人。人物聰俊。語言清亮。五行俱

正唇紅齒白耳朝口白過面三停平等背負肩圓善騎射靖難時同王彥為前哨明曉時務識達大體所向立大功而未嘗矜伐永樂初出鎮寧夏官至尚膳太監內侍鄭和即三保也雲南人身長九尺腰大十圍四岳峻而鼻小法及此者極貴眉目分明耳白過面齒如編貝行如虎步聲音洪亮後以靖難功授內官太監永樂初欲通東南夷

上問以三保領兵如何忠徹對曰三保姿貌材智內侍中無與比者臣察其氣色誠可任使遂令統督以往所至畏服焉

內侍李謙即保兒雲南人儀表魁岸肩圓背負嶽瀆豐深

但目神浮露面肉橫生洪武中侍

仁廟於大本堂

太祖皇帝命為承奉永樂初過於內省忠徹曰公目下紅紫貫天庭歸來黃氣起七七日主進職遠動至期陞都知太監

命回省母甲午歲扈從北征忠徹奏曰李謙眼下赤黑氣入耳恐致顛踏不可赴敵

上呼謙諭之曰表忠徹相你有難臨陣慎勿輕進謙不信引皇太孫於九龍口迎戰幾危

上怒急追還營回

奎懼罪自經

龍飛萬曆丁亥孟秋  
金陵唐氏益軒鋟梓

新雕校正增釋合併麻衣先生人相編卷之十終



書名	增補小冊編		
冊數	1	版別	第1版
議價	2000	議價章	紙年
編號	2	字第	18

北京市圖書業同業公會印制